



Barcelona, 21 de setiembre de 2020

Estimaos Socios y Socies,

L'Asociación Centru Asturianu de Barcelona, n'Asamblea Xeneral Estraordinaria, celebrada'l sábadu 19 de setiembre de 2020, aprobó l'adecuación de los Estatutos del añu 2010 del Centru Asturianu de Barcelona a la Llei d'Asturianía y al so reglamentu, procediendo amás a otres adautaciones.

Los estatutos recueyen el marcu llegal y institucional que regula les actividaes de l'Asociación Centru Asturianu de Barcelona.

L'Asociación Centru Asturianu de Barcelona ta declarada d'Utilidá Pública y tien reconocíu'l drechu d'Asturianía pol Gobiernu del Principáu d'Asturies en fecha 13 de xunu de 1985. La so organización interna y funcionamientu son democráticos con respetu plenu al pluralismu.

Estos Estatutos del añu 2020 van inscribise nel rexistru del Departamentu de Xusticia de la Generalitat de Cataluña y nel rexistru de la Consejería de Presidencia y Participación Ciudadana del Gobiernu del Principáu d'Asturies.

Amás, axúntase una reseña hestórica breve de la evolución del Centru Asturianu de Barcelona y de les modificaciones socesives de los Estatutos feches dende la so fundación.

Ye pa nós una satisfaiación grande ser un exemplu de convivencia y difusión de los asturianos y les asturianes.

Un saludu candial,

Enrique Delgado Gutiérrez  
Presidente  
Asociación Centru Asturianu de Barcelona



Asociación

# Centro Asturiano de Barcelona

## ENTAMU

Los primeros datos del asociacionismu asturianu en Barcelona apaecen el 22 de xineru de 1887 onde se convoca a "gallegos y asturianos" a una reunión a les 11 h nes aules de la Universidá, Plaza Universidá, col asuntu a tratar: El proyeutu d'establecimientu d'un Centru Gallegu-Asturianu.

El "Diario de Barcelona" del 11 de febreru de 1888 recueye que celebróse un baille de mázcares nel llocal del Casinu Astur-Gallegu (que s'asitia na Plaza'l Teatru).

El 4 d'ochobre de 1911 un grupu d'asturianos crea una comisión xestora.

Pero nun ye hasta'l 15 de mayu de 1930 cuando se funda'l Centru Asturianu de Cataluña. En 1939 la so documentación, incluyíos los ficheros d'asociaos, confiscóse del llocal de l'asociación, seguramente pa facilitar el trabayu depurativu y represivu de la dictadura franquista, treslladándose dempués, a lo menos una parte, a Salamanca.

Ye dicir, el Centru Asturianu de Cataluña nun se disolvió, sinón que tuvo que parar la so actividá, al embargáse-y tola documentación. El Centru Asturianu de Barcelona entamó la tramitación pa la recuperación de la documentación, cola collaboración de la Generalitat de Cataluña, entregándose-y en dos fases, la primera'l 26 d'abril de 2012 y la segunda'l 19 de febreru de 2015. Anguaño ta depositada nel "Arxiu Nacional de Catalunya".

La década de 1940 a 1949 ye bien escura no que fai al asociacionismu asturianu en Cataluña, aunque hai testimonios qu'acrediten la existencia de reuniones periódiques d'asturianos, inclusive de peñes organizaes, como la Peña Astur 'El Pegollu', embrión importante del futuru Hogar Asturianu.

Esos contautos cristalizaron na gran celebración de la fiesta de los asturianos n'honor de la Virxe de Cuadonga, los díes 8, 9 y 10 de setiembre de 1950, nel Pueblu Español de Barcelona, pruyendo ente ellos, a partir d'ehí, el deséu de formar una asociación que-yos permitiera organizase pa fomentar la so cultura y tradiciones.

El 14 de payares de 1951 l'autoridá de la dómina permite otra vuelta autorizar la creación d'una organización con otru nome, Hogar Asturianu. Incorpórase Adolfo Álvarez Álvarez (presidente del Centru Asturianu de Cataluña del 25/01/1931 al 19/04/1931 y del 14/05/1933 al 19/05/1934) como presidente de la Xunta Fundadora del Hogar Asturianu, y más tarde, como vocal, Manuel Álvarez García (presidente del Centru Asturianu de Cataluña nos periodos ente'l 19/04/1931 y el 14/05/1933 y ente'l 19/12/1934 y el 19/05/1935).

Al rodiu de lo anterior, paga la pena comentar que los asturianos reuníos el 14 de payares de 1951 falaben de la constitución d'un Centru, como podemos comprobar nel acta de la reunión, que diz ente otres coses: "Los asistentes, toos col mayor entusiasmu, dieron conformidá al llabor efectuáu y ofrecieron la so cooperación, tanto personal como económica, p'algamar la constitución d'un Centru que seya'l puntu de reunión constante de los asturianos que residen equí".

Hebo direutivos y socios comunes nesta primer dómina del Hogar Asturianu, como Vicente Pastor Dindurra (contador y ayalgueru nel periodu comprendíu ente 1936 y 1937), Florián Blanco (secretariu y presidente ente 1936 y 1937), Eusebio de la Huerta o Ángel Martínez Dainciart, ente otros.

Por ello y tamién por caltener los mesmos fines fundamentales nos sos Estatutos, podemos considerar al Hogar Asturianu como herederu del Centru Asturianu de Cataluña.

L'Hogar Asturianu fizo homenaxes merecíos a Adolfo Álvarez Álvarez, a Manuel Álvarez García, a Vicente Pastor Dindurra y a Ángel Martínez Dainciart pola so trayectoria fiel a favor del asociacionismu asturianu, dende 1930 hasta'l fin de los sos díes (foron toos ellos direutivos del Centru Asturianu de Cataluña).

El 12 de xunetu de 1952, n'aprobándose los estatutos, constituyóse de mou oficial l'Hogar Asturianu. Hubo qu'emplegar esta denominación porque daquella les autoridaes franquistes amosaron rechazu a la denominación de Centru, yá nun querien nengún venceyu de l'asociación nueva col Centru Asturianu que tanto ayudó demientres la Guerra Civil a los refuxaos asturianos en Cataluña, y qu'hasta l'últimu momentu foi fiel al gobiernu llexítimu de la República. Nun se recuperó la denominación de Centru (que ye'l nome col que funcionen dende siempres la mayoría d'asociaciones asturianas nel mundu) hasta l'añu 1970.



Asociación

## Centro Asturiano de Barcelona

### ESPUBLIZACIONES

- Programa de Fiestas de La Santina 1950
- Boletines 1954 a 1996
- "Homenaje": 1992 a 1993
- Centru: 1999 a 2001
- Boletines de calter mozu
  - "Revista Cultural Juvenil" 1985
  - El Cruce d'El Berrón 1985 a 1986
- Circular informativa y L'Atalaya en formatu dixital: Hasta l'actualidá.

### DISCOS

- Grabaciones en formatu vinilu del Coru del Centru Asturianu:
  - Asturias. Discophon 27558 - 1969
  - Mi Asturias. Phonic, S.A. PHL-5036 1978
  - Aquí todos en.... Discos Belter. B.39986- 1983.

### LLIBROS

Añu 2011. Asoleyóse'l llibru "Tiempo de Memoria. Asociacionismo Asturiano en Cataluña 1887-2006" que recueye la evolución hestórica de l'Asociación.

Añu 2019. L'Asociación Centru Asturianu de Barcelona espubliza'l llibru: "Pueblos y Aldeas de Asturias para el recuerdo", con una edición de 300 exemplares, en colaboración col pintor Pep Segura y el periodista José Antonio Burgos.

### GALLARDONES

#### CORAL:

- 1<sup>er</sup> premiu nel concursu "Salto a la fama" de TVE.
- 2<sup>a</sup> premiu nel concursu d'habaneres de Barcelona.
- 2<sup>a</sup> premiu nel Teatru Alcalá de Madrid nel Festival de mases corales de Cases Rexonales d'España.
- 2<sup>a</sup> premiu Festival de Cases Rexonales na ciudá de Valladolid.
- Participa en "El gaitero de Gijón" representada nel Teatru Goya de Barcelona baxo la direición del maestru Damunt.

#### Otres collaboraciones,

- Programes de TVE de Cataluña y cadena SER.
- Fórum Universal de les Cultures en Barcelona 2004.
- Participación na Feria de l'Ascensión de la ciudá d'Uviéu con grupos de cultura tradicional catalana en 2017 (Diables, Gegants i Drac de Sarrià) y 2019 (Colla Castellera de Sarrià).
- Diada de Sant Jordi.

#### Convenios

- Concurso y Muestra Ciudad d'Uviéu.
- Festival Rec organizáu pol Conceyu de Ribadeva.

### MEDAYA D'HONOR

- Nel añu 2015 l'Ayuntamientu de Barcelona concedió a propuesta del Distritu de Sarrià-Sant Gervasi la medaya d'Honor de la Ciudá de Barcelona a l'Asociación Centru Asturianu de Barcelona. La medaya recoyéronla'l presidente d'Honor Gregorio López Montoto y el presidente Enrique Delgado Gutiérrez, nun actu nel Saló de Cent del Ayuntamientu de Barcelona presidíu pola Alcaldesa Escma. Sra. Ada Colau.



Asociación

# Centro Asturiano de Barcelona

## **EFEMÉRIDES**

El Centru Asturianu de Barcelona, celebra nel añu 2020 los 90 años dende la so primer fundación en 1930.

## **HESTÓRICU DE LOS ESTATUTOS DEL CENTRU ASTURIANU DE BARCELONA**

### **ESTATUTOS DE 1930**

15 de mayu de 1930.- Presentación de los Estatutos del Centru Asturianu de Cataluña al Gobiernu Civil. (Llei d'Asociaciones de 1887).

21 de mayu de 1930.- Oficiu n<sup>u</sup> 486: Aprobación pol Gobiernu Civil de Barcelona.

### **EVOLUCIÓN DENDE 1951**

AÑU 1951.- Fundación el 14 de payares.

AÑU 1952.- Estatutos fundacionales, acoyíos a la Llei de 30 de xunetu de 1887 y al Decretu de 25 de xineru de 1941. Los fines son cuasi idénticos a los del Centru Asturianu de Cataluña. La Xunta Direutiva ta integrada por: un Presidente, dos Vicepresidentes, un Secretariu, un Vicesecretariu, un Ayalgueru, un Contador y seis Vocales (el 5<sup>u</sup> Bibliotecariu).

AÑU 1957.- 1<sup>er</sup> Reforma de los Estatutos "p'adautalos a la nueva realidá del Hogar". Sigue invariable la estructura fundamental.

AÑU 1965.- 2<sup>a</sup> Reforma. Adautación a la nueva Llei d'Asociaciones de 24 d'avientu de 1964 y al Decretu de 20 de mayu de 1965. Nun camuden no fundamental.

AÑU 1970.- 3<sup>er</sup> Reforma. L'Hogar Asturiano recupera la so denominación antigua como Centru Asturianu.

AÑU 1981.- 4<sup>a</sup> Reforma. Aprobada pol Ministeriu del Interior el 19-10-1981. La modificación principal consiste en repartir en cuatro árees l'aición de la Xunta Direutiva, caúna d'elles ríxese por un/a Vicepresidente/a y dos Vocales colos/es que forma equipu. Poro, la Xunta pasa de dos Vicepresidentes a cuatro. Les árees son: Rellaciones esternes (Vicepresidente/a 1<sup>u</sup> y Vocales 1<sup>u</sup> y 3<sup>u</sup>), Caltenimientu y Patrimoniu (Vicepresidente/a 2<sup>u</sup> y Vocales 2<sup>u</sup> y 4<sup>u</sup>), Cultura (Vicepresidente/a 3<sup>u</sup> y Vocales 5<sup>u</sup> y 7<sup>u</sup>), Moceda y Deportes (Vicepresidente/a 4<sup>u</sup> con Vocales 6<sup>u</sup> y 8<sup>u</sup>).

Como vese, los/es Vocales pasen de seis a ochu. Tamién créase un *Cuerpu Consultivu* de 9 componentes, que tien la misión de "velar por que nun se desvirtúe la estructura fundamental del Centru" y d'asesorar a la Xunta Direutiva. Y añádense los cargos de Viceayalgueru/a y Vicecontador/a.

AÑU 1986.- 5<sup>a</sup> Reforma. El *Cuerpu Consultivu* pasa a llamase *Conseyu Consultivu* y de nueve componentes pasa a cinco, en viendo la dificultá pa consiguir candidatos/es pa esti muérganu, y tamién pa la Xunta Direutiva. Poro, suprimense los cargos de Viceayalgueru/a y Vicecontador/a.

AÑU 1995.- 6<sup>a</sup> Reforma. En viendo la dificultá qu'hai pa cubrir tolos cargos, suprimese'l Conseyu Consultivu y nel so llugar créase la figura del/de la Defensor/a del Sociu/a, que tien la misión de moderar en cualesquier conflictu ente'l sociu/a y la Xunta Direutiva, quedando la Xunta compuesta polos cargos siguientes: un/a Presidente/a, un/a Vicepresidente/a, un/a Secretariu/a, un/a Ayalgueru/a, un/a Contador/a, más los/es Delegaos/es de les árees, que como mínimu han ser: Cultura, Convivencia y Cooperación, Rellaciones esternes, Conservación y Caltenimientu y Patrimoniu y Instalaciones, autorizando al/a la Presidente/a pa qu'escueya al so equipu, más los cargos qu'estime pertinentes, amás de los yá descritos.



Asociación

## Centro Asturiano de Barcelona

AÑU 2004.- 7ª Reforma. Aduatación a la Llei d'Associacions de Catalunya aprobada'l 4 de xunu de 1997 (cola que nun entraba en pugna la reforma de 1995), amás de la Llei Orgánica 1/2002, de 22 de marzu, reguladora del drechu d'asociación.

La novedá principal ye que s'almite que la persona asociada pueda tar representada na asamblea xeneral (hasta agora yera obligatoria la so presencia si quería facer valir el so votu). La cuarta área pasa a llamase "Patrimoniu, Caltenimientu y Instalaciones".

AÑU 2010.- 8ª Reforma. Adáutense los Estatutos de 2004 del Centru Asturianu de Barcelona a la Llei 4/2008, de 24 d'abril, del Llibru Terceru del Códigu Civil de Catalunya, relativu a les persones xurídiques.

Aplicase la denominación xenérica d'Asociación al Centru Asturianu. Faise énfasis na comunicación al traviés del corréu lletrónicu y la páxina web.

AÑU 2012.- Acta de Manifestaciones del Presidente d'Honor Sr. Gregorio López Montoto: Qu'al constituyise l'actual Centru Asturianu de Barcelona, el 25 de xunu de 1952, según apaez nos estatutos vixentes, considerábase venceyáu como continuador con denominación y fines idénticos al anterior, fundáu en mayu de 1930, estinguíu de forma anómala y informal, por considerase desaparecíu al rematar la Guerra Civil de 1936-1939 por mor de la dispersión de gran parte de los y les sos componentes.

Dalgunos de los sos componentes participaron en dambos centros, como D. Adolfo Álvarez, D. Vicente Pastor Dindurra, D. Angel Martinez Dainciart, D. Joaquín Alarcia Montoto, D. Eusebio de la Huerta, D. Manuel Álvarez (que foi presidente del Centru fundáu en 1930 y vocal de la xunta direutiva del de 1952) y que tuvo una rellación estrecha con estes persones, a partir de la so llegada a Barcelona en 1951.

AÑU 2020.- 9ª Reforma. Introdúzese un índiz, identifíquense los artículos y reorganícense los capítulos. Incorpórase'l númberu de rexistru d'entidá deportiva adscrita.

Incorpórense a los estatutos la Llei del Principáu d'Asturies 2/2018 de 23 de marzu, de los asturianos nel exterior y del reconocimientu de l'Asturianía y el Decretu 46/2019, de 21 de xunu, referente al Reglamentu de la Llei del Principáu d'Asturies 2/2018 de 23 de marzu de los asturianos nel exterior y del reconocimientu d'Asturianía.

Especifícase la plena disposición de dominiu por parte de l'Asociación Centru Asturianu de Barcelona. Especifícase la igualdá de xéneru y introdúcense les teunoloxíes nueves de la información y comunicación a nivel de Xunta Direutiva.

Introdúcense nueves clases de socios y socies pola so antigüedá y créase'l Conseyu Socio-Cultural.



**ESTATUTOS DE L'ASOCIACIÓN CENTRU ASTURIANU DE BARCELONA**

ÍNDIZ

CAPÍTULO I

NATURALEZA, DENOMACIÓN, SEÑES, ÁMBITU D'ACTUACIÓN, ENSEÑA Y FINES DE L'ASOCIACIÓN.

Artículo 1. Denominación, naturaleza, señes, ámbito d'actuación y enseña.

Artículo 2. Fines de l'Asociación.

CAPÍTULO II

DE LOS SOCIOS/ES: CLASES, DRECHOS, OBLIGACIONES Y SANCIONES

Artículo 3. Clases de socios/es.

Artículo 4. Adquisición de la condición de sociu/a.

Artículo 5. Cuotes.

Artículo 6. Drechos de los socios y socies.

Artículo 7. Otros drechos.

Artículo 8. Deberes.

Artículo 9. Representación y ostentación.

Artículo 10. Pérdida de la condición de sociu/a.

Artículo 11. Sanciones.

Artículo 12. Réxime y procedimientu disciplinariu.

CAPÍTULO III

DE LOS/ES SIMPATIZANTES, SIGUIDORES Y SOCIOS/ES D'OTROS CENTROS ASTURIANOS

Artículo 13. Socios/es d'otros Centros Asturianos.

Artículo 14. Simpatizantes y siguidores.

CAPÍTULO IV

PATRIMONIU Y RECURSOS ECONÓMICOS. ADQUISICIÓN Y TRESPASU DE BIENES.  
PRESUPUESTU Y ESTÁU CONTABLE

Artículo 15. Patrimoniu.

Artículo 16. Recursos Económicos.

Artículo 17. Adquisición, Trespasu de bienes y Disposición de Dominiu.

Artículo 18. Intereses sociales.

Artículo 19. Presupuestu y estáu contable.

CAPÍTULO V

DE LES ASAMBLEES XENERALES, FUNCIONAMIENU Y CONVOCATORIA, COMPETENCIA Y ELEICIÓN  
DE CARGOS

Artículo 20. Asamblea Xeneral.

Artículo 21. Asamblees Xenerales Ordinaries y Estraordinaries.

Artículo 22. Funcionamientu y convocatoria.

Artículo 23. Orde del día de l'Asamblea Xeneral Ordinaria y eleiciones.

Artículo 24. Duración máxima de les Asamblees.

Artículo 25. Usu de la pallabra.

Artículo 26. Debates o alderiques.

Artículo 27. Usu de la pallabra por alusión.

Artículo 28. Usu de la pallabra por cuestiones de forma.

Artículo 29. Llamada al orde.

Artículo 30. Votaciones.

Artículo 31. Alcuerdos.

Artículo 32. Votu por papeleta.



Asociación

# Centro Asturiano de Barcelona

Artículo 33. Votu anticipáu o per corréu, pa eleición de Presidente/a y Xunta Direutiva.

## CAPÍTULO VI DE LA XUNTA DIREUTIVA, COMPOSICIÓN, RÉXIME, COMPETENCIA Y ALMINISTRACIÓN.

Artículo 34. Réxime del Centru Asturianu de Barcelona.

Artículo 35. Xunta Direutiva.

Artículo 36. Remuneración de la Xunta Direutiva.

Artículo 37. Candidatures a Presidente/a.

Artículo 38. Eleición de Presidente/a y Xunta Direutiva.

Artículo 39. Vacantes na Xunta Direutiva.

Artículo 40. Competencies y alministración.

Artículo 41. Ostentación o representación de sociu/a.

Artículo 42. Reuniones de la Xunta Direutiva.

Artículo 43. Competencies de la Xunta Direutiva.

## CAPÍTULO VII DEL PRESIDENTE/A

Artículo 44. Atribuciones del Presidente/a.

## CAPÍTULO VIII DE LOS/ES VICEPRESIDENTES

Artículo 45. Atribuciones de los/es Vicepresidentes.

## CAPÍTULO IX DEL SECRETARIU/A

Artículo 46. Atribuciones del Secretariu/a.

## CAPÍTULO X DEL AYALGUERU/A

Artículo 47. Atribuciones del Ayalgueru/a.

## CAPÍTULO XI DEL CONTADOR/A

Artículo 48. Atribuciones del Contador/a.

## CAPÍTULO XII DE LES ÁREES

Artículo 49. Atribuciones de los/es Delegaos/es d'Área.

## CAPÍTULO XIII DE LES SECCIONES

Artículo 50. Secciones.

## CAPÍTULO XIV DE LES AGRUPACIONES Y PEÑES

Artículo 51. Agrupaciones y Peñes.

## CAPÍTULO XV CONSEYU SOCIO-CULTURAL



Artículo 52. Consejo Socio-Cultural.

CAPÍTULO XVI  
REFORMES DE LOS ESTATUTOS, DESTÍN DE LOS BIENES Y DISOLUCIÓN

Artículo 53. Reforma de los Estatutos.

Artículo 54. Disolución y destino de los bienes.

Disposición Transitoria y entrada en vigor.

Diligencia final.



## CAPÍTULO I

### NATURALEZA, DENOMACIÓN, SEÑES, ÁMBITU TERRITORIAL, ENSEÑA Y FINES DE L'ASOCIACIÓN.

#### **Artículo 1. Denominación, naturaleza, señes, ámbito d'actuación y enseña.**

**1.1.** Esta Asociación, ilegalmente constituyida por tiempu indefiníu en 25 de xunu de 1952 (heredera del Centru Asturianu de Cataluña fundáu en 1930) y inscrita nel Rexistru d'Asociaciones de la Generalitat de Cataluña col númberu 708, nóname ASOCIACIÓN CENTRU ASTURIANU DE BARCELONA, dende agora l'**ACAdB**. Ta inscrita nel Rexistru d'Entitats Esportives del Consell Català de L'Esport de la Generalitat de Cataluña col númberu A00234, segunda sección (1987).

**1.2.** Tien personalidá xurídica y patrimonial propia y independiente, esfrutando d'autonomía alministrativa y financiera total, acordies con estos Estatutos, cola Llei Orgánica 1/2002, de 22 de marzu, reguladora del drechu d'Asociación (BOE núm. 73, de 26-3-02), qu'a la vegada vienen del Art.º 22 de la Constitución Española de 1978, que consagra'l drechu fundamental d'Asociación, y que güei adauta los sos estatutos a la Llei 4/2008, de 24 d'abril, del Llibre Tercer del Codi Civil de Cataluña, relativu a les persones xurídiques, y el restu de disposiciones llegalas aplicables.

**1.3.** Ta declarada d'Utilidá Pública por Resolución adoptada en Conseyu de Ministros de 23 d'ochobre de 1970, con adautación posterior a la Llei de 14 de payares de 1994 quedando asina reconocida y inscrita nel Rexistru d'Asociaciones d'Utilidá Pública del Ministeriu del Interior, y acuéyese por estos Estatutos a los beneficios de réxime fiscal especial que s'establecen pa les de la so clas nos artículos 2 y siguientes de la Llei 49/2002, de 23 d'avientu, y disposiciones concordantes.

**1.4.** Esta Asociación tien reconocíu'l drechu d'Asturianía pol Gobiernu del Principáu en 13 de xunu de 1985, y ampárase a la Llei del Principáu d'Asturies 2/2018 de 23 de marzu, de los asturianos nel exterior y del reconocimientu de l'asturianía y al decretu 46/2019, de 21 de xunu referente al Reglamentu de la Llei del Principáu d'Asturies 2/2018 de 23 de marzu de los asturianos nel exterior y del reconocimientu d'asturianía.

**1.5.** La so organización interna y funcionamientu son democráticos, con respetu al pluralismu. Toles persones van gociar de los drechos derivaos del principiu d'igualdá de tratu y de la prohibición de discriminación por razón de xéneru y edá.

L'**ACAdB** va velar pola aplicación correuta de la perspeutiva de xéneru en toles sos actividaes y muérganos de xestión, nun permitiendo nin reproduciendo nengún tipu de desigualdá de xéneru y faciendo una redistribución asemeyada de les actividaes y de la xestión ente homes y muyeres.

**1.6.** La duración de l'Asociación ye indefinida.

**1.7.** Queda escluyíu tou ánimu d'arriquecimientu. Los eventuales resultaos económicos algamaos van destinase n'esclusiva al cumplimientu de les finalidaes d'interés xeneral establecíos nos presentes estatutos. En nengún casu van poder repartise los bienes de l'Asociación ente les persones asociaes nin cedese de baldre a persones físiques o xurídiques con intereses d'arriquecimientu.

**1.8.** Tien les sos señes sociales en Barcelona, nes cais Naranjo de Bulnes, números 1-7, y Ràfols, números 17-21, amás de na Avenida Josep Vicenç Foix, númberu 116-120.

L'àmbitu territorial onde l'Asociación va desendolcar les sos actividaes va ser, sobre too, en Cataluña.

El so C.I.F. ye G08502544.

El domiciliu postal ye na cai Ràfols, 17-21, 08034 Barcelona.

**1.9.** La enseña del Centru ye l'asturiana.



Asociación

# Centro Asturiano de Barcelona

## Artículo 2. Fines de l'Asociación.

**2.1. EL CENTRU ASTURIANU DE BARCELONA** ye una Asociación de calter civil, asistencial, educativu, cultural, deportivu, recreativu y ensin ánimu d'arriquecimientu, que tien como oxetivu contribuir al fortalecimientu de la comunidá asturiana en Barcelona y nes comarques de la so área d'influencia, favoreciendo la xuntura interna, la solidaridá ente socios/es y la eficacia de les aiciones asociatives.

**2.2.** Les actividaes que desendolca l'**ACAdB** nun tán destinaes nin restrinxíes namás a los sos socios/es, son d'interés xeneral y abiertas a cualesquier otru/a posible beneficiariu/a qu'amuese les condiciones y carauteres esixíos pola naturaleza de los sos fines propios, que son los que siguen:

**a)** La llibre agrupación d'asturianos y asturianas y de descendientes y la de los y les que, ensin selo, simpaticen con Asturias, la so cultura y les sos tradiciones, baxo los ideales y sentimientos que la agrandezan, divulgando les sos carauterístiques rexonales, sociales y materiales por tolos medios lícitos que se crean procedentes y favoreciendo'l conocimientu, l'averamientu y la estima mutua de los y les socios/es.

**b)** Fomentu y divulgación cultural ente los y les sos socios/es, pente medies de conferencies, publicaciones, boletinos, clases y escursiones, certámenes artísticos y lliterarios, agrupaciones escéniques, coros, grupos de música y de baile; práutica d'actividaes educatives, culturales, gastronómiques, recreatives, d'asesoramientu, formación y orientación, acordies coles disposiciones aplicables en cada materia, y con toles que se consideren convenientes pa realizar esta misión, amás del estudiu y fomentu de la llingua asturiana.

Fomentar tamién tolo que contribuya al intercambiu cultural y humanu ente Asturias y tolos pueblos, y de forma especial con Cataluña, organizando viaxes y visites con esi envís.

**c)** La proteición mutua al traviés de l'ayuda y cooperación; asistencia y integración social de persones discapacitades físiques y psíquiques, con especial asistencia a la tercer edá, a la infancia y a la mocedá, amás de promoción y atención a les persones en riesgu d'esclusión por razones físiques, sociales, económiques y culturales.

**d)** Les actividaes deportives, que van atenese a les normes procedentes de los organismos competentes, con especial atención a la práutica del xuegu de bolos, rana, fútbol sala, tenis, natación y otros; amás de xuegos recreativos y de salón, y de los deportes tradicionales asturianos.

**e)** La celebración de romerías, manifestaciones folclóriques y fiestes de sociedá, calteniéndose institucionalmente'l Día del Llibru, Día del Bollu (Día del Sociu/a-Día del Asociacionismu), Día d'Asturies - Día de la Tierra y el Mediu Ambiente (Santa Bárbara), ente otres.

**f)** Van poder crease secciones, agrupaciones y peñes acordies con esos fines, que van depender del Área de la Xunta Direutiva a la que correspuenda la so actividá principal. Pa ser componente de les actividaes hai que tar asociáu/ada a l'**ACAdB**.

## CAPÍTULU II

### DE LOS/ES SOCIOS/ES: CLAS, DRECHOS, OBLIGACIONES Y SANCIONES

## Artículo 3. Clases de socios y socies.

L'Asociación **CENTRU ASTURIANU DE BARCELONA** va tar integrada poles siguientes clases d'asociáu/ada:

- a) Fundador/a**
- b) Escelsu/a**
- c) Llaureáu/ada**



Asociación

# Centro Asturiano de Barcelona

- d) De Méritu
- e) Numberariu/a
- f) Adheríu/ida

**3.1. Sociu/a Fundador/a.** Ye la persona que s'inscribió nesta Asociación dentro de los dos meses siguientes a la so constitución oficial.

**3.2. Sociu/a Escelsu/a.** Ye la persona que lleve un mínimu de 75 años ensin interrupción dende la fecha na qu'algamó la condición de numberariu/a.

**3.3. Sociu/a Llaureáu/ada.** Ye la persona que lleva un mínimu de 50 años ensin interrupción dende la fecha na qu'algamó la condición de numberariu/a.

**3.4. Sociu/a de Méritu.** Ye la persona que lleva un mínimu de 25 años ensin interrupción dende la fecha na qu'algamó la condición de numberariu/a.

**3.5. Sociu/a Numberariu/a.** Ye la persona nacida n'Asturies o descendiente d'asturianu/a hasta segundu grau, que cumpliera los 18 años d'edá al ingresar nesta Asociación, ensin perxiciu del drechu reconocíu a los y les menores nel **Art.º 4.1**, acordies colo estableció nestos Estatutos.

**3.6. Sociu/a Adheríu/ida.** Ye la persona que, ensin tener les condiciones del artículu anterior en cuanto al orixe, simpatiza colos fines de l'**ACAdB**. La so admisión y númberu van ser a criteriu de la Xunta Direutiva. Los socios/es Adheríos/es que lleven cinco años van poder ser almitíos/es como Numberarios/es si faen méritos pa ello a criteriu de l'Asamblea Xeneral.

## Artículu 4. Adquisición de la condición de sociu/a.

**4.1.** Van poder ser socios/es de l'**ACAdB** les persones físiques que tengan la capacidá d'obrar y nun tean suxetes a condición llegal nenguna pal exerciciu del drechu d'Asociación. Tamién los y les menores non emancipaos/es de más de selce años col consentimientu, acreítáu con documentos, de les persones que tengan de suplir la so capacidá.

**4.2.** La persona que quiera ingresar na **ACAdB** va tener de presentar solicitú na que se conseñe la fecha, nome, apellíos, númberu del DNI, fecha de nacencia, profesión si quier, señes y llugar de nacencia o, nel so casu, de los pas o güelos, xustificando con documentos los requisitos, y la direición de corréu lletrónicu. La Xunta Direutiva va decidir sobre la so admisión na primer sesión ordinaria que se celebre, comunicando la so decisión al interesáu/ada.

**4.3.** Cuando s'almita al/a la sociu/a nuevu/a va tener de pagar la cuota d'entrada o d'inscripción establecida pola Xunta Direutiva, amás de la cuota ordinaria añal y va apurrise-y el Carné d'Asociáu/ada nel que van constar: clas, númberu de sociu/a, nome y apellíos. Tamién va entregáse-y un exemplar de los Estatutos.

## Artículu 5. Cuotes.

**5.1.** La cuota social va ser la que cada añu señale l'Asamblea Xeneral, que ye la única que la puede modificar, previa propuesta razonada de la Xunta Direutiva. L'Asamblea Xeneral puede facer esceiciones nel pagu de les cuotes, de mou total o parcial, transitoriu o definitivu, amás de fraicionala a los/es socios/es que tengan circunstancies especiales.

Tamién van poder facese esceiciones a los/es socios/es -con antigüedá superior a 25 años- que tean retiraos/es y tengan una situación económica que lo xustifique, si lo soliciten y lo acreíten.

El llugar de pagu ye la sede social del Centru, anque ye preferible la so domiciliación, que va esixise a les altes nueves.



**5.2.** Por cada integrante de la unidá familiar va abonase la cuota correspondiente: el/la sociu/a titular, la cuota añal íntegra; el/la sociu/la cónyuxe o pareya de fechu inscrita a efeutu talu va disfrutar d'una reducción de la cuota añal. La cuota d'entrada o inscripción namás va tener de la pagar ún d'ellos.

Los/es fíos/es menores de 18 años van inscribise col/a sociu/a titular, que va pagar la so cuota. Los/es fíos/es van poder adquirir la condición de sociu/a titular, como se conseña nel artículu 4.1.

**5.3.** Los fíos y fíes de socios y socies, non emancipaos/es, mayores de 18 años, que se dean d'alta na Asociación van quedar esentos/es de la cuota d'entrada y van beneficiase d'una reducción de la cuota ordinaria añal, situación que se va caltener mientras nun tengan recursos propios, aspeutu que va tener qu'acreditase tolos años.

**5.4.** Los xubilaos/es y estudiantes a tiempu completu nun van tener de pagar cuota d'entrada, pero sí la ordinaria añal, anque van poder facese esceiciones nel so pagu añal, de mou total o parcial, a criteriu de la Xunta Direutiva, que tamién va poder fraicionala, si l'interesáu/ada lo solicita al traviés d'un escritu.

**5.5.** Los/es socios/es qu'acrediten per aciu d'un contratu llaboral y/o d'estudios, o un certificáu d'empadronamientu la so residencia habitual fuera de Cataluña tien drechu a una bonificación de la cuota a pagar. Los/es socios/es que disfruten d'esta bonificación tien que lo acreditar tolos años.

## **Artículu 6. Drechos de los socios y socies.**

**1ª.** Entrada en llocales y instalaciones de l'**ACAdB**. Disfrutar de les instalaciones destinaes al usu asociativu, demientres los horarios que la Xunta Direutiva estableza en cada momentu, coles llimitaciones derivaes de la programación habitual d'actos y de les cesiones d'espacios a terceros/es acordaes y l'eventual cambi u d'horarios por cuenta del funcionamientu de servicios o necesidaes concretes de l'Asociación.

**2ª.** Tener información completa sobre la marcha de l'Asociación; presentar propuestas per escritu a la Xunta Direutiva, que va tener de retrucar na mesma forma nel plazu de 30 díes; que se-y amuesen por y en presencia de la persona encargada de la so custodia, los llibros, documentos y papeles de la mesma. D'esa manera, les persones tengan la custodia o manexu de documentos o ficheros con datos personales de los/es socios/es tán obligaes al secretu profesional y nun van poder facilitalos ensin el so consentimientu, sacantes cuando los requieran Xulgaos, Tribunales y/o otres Autoridaes facultaes por disposición llegal, de conformidá cola normativa vixente sobre Proteición de Datos de calter Personal.

**3ª.** Facer llegar per escritu a la Xunta Direutiva les quexes qu'estime. De nun tar conforme cola resolución, va poder dir a l'Asamblea Xeneral pa revisión del casu. Amás, va poder pidir sanciones o incoación d'espedientes contra cualesquier asociáu/ada por actos realizaos contra la so persona, o otra/a sociu/a, dentro de los llocales y instalaciones del Centru, o contra l'Asociación.

**4ª.** Usar con procuru los periódicos, revistes, obres de biblioteca, moblame y instalaciones de l'Asociación; disfrutar de los servicios que s'establecieren o s'establezan na forma que determine l'Asamblea Xeneral o Xunta Direutiva, y recibir el Boletín, circulares y publicaciones que s'editen.

**5ª.** Asisitir a tolos actos que'l Centru celebre nel domiciliu social o fuera d'él, teniendo que cumplir les normes que la Xunta Direutiva estableza pa cada casu.

**6ª.** Acceder a los espacios asociativos restrinxíos acompañaos/es de mou esceicional de persones que nun seyan socies. Ye necesario qu'estes visites les autorice la Xunta Direutiva.

## **Artículu 7. Otros drechos.**

**1ª.** Les persones **Fundadores**, **Escelses**, **Laureaes** y de **Méritu** tienen drechu a voz y votu y a formar parte de la Xunta Direutiva.



Asociación

## Centro Asturiano de Barcelona

2<sup>ª</sup>. Les persones **Numberaries** tienen drechu a voz y votu. Van poder ser componentes de la Xunta Direutiva cuando lleven un mínimu de dos años. A estos efeutos, a les persones que pertenecieran a dalguna de les secciones moxes, Coru o Grupos, va contáse-yos el tiempu que tuvieron adscrites a elles.

3<sup>ª</sup>. Les persones **Adheríes** tienen drechu a voz y votu na Asamblea Xeneral, pero non a ser componentes de la Xunta Direutiva.

4<sup>ª</sup>. Pal exerciciu de los sos drechos, les persones asociaes tienen que tar al corriente de pagu de la cuota social y de les derrames que, nel so casu, acordare l'Asamblea Xeneral.

### **Artículo 8. Deberes.**

Los/es socios/es de l'**ACAdB** van tener les responsabilidaes siguientes:

1<sup>ª</sup>. Satisfacer con puntualidá la cuota social enantes del 1 de xunu de cada añu.

2<sup>ª</sup>. Facer con procuru, eficacia y eficiencia les funciones que l'Asamblea Xeneral o la Xunta Direutiva-yos encomienden y aceutaren.

3<sup>ª</sup>. Notificar a la Secretaría del Centru'l cambiu de domiciliu o cualesquier otru d'interés y n'especial los cambios de direición del correu lletrónicu col envís de recibir les convocatories de les Asamblees y circulares, y cualesquier otra comunicación d'interés.

4<sup>ª</sup>. Presentar la tarxeta de sociu/a o nel so defeutu'l Documentu Nacional d'Identidá cuando lo requiera cualesquier componente de la Xunta Direutiva o les persones nes que delegue.

5<sup>ª</sup>. Asistir a les Asamblees Xenerales. Al/a la sociu/a que por causa xustificada nun pueda asistir a l'Asamblea Xeneral va poder representálu/la otru/a sociu/a na forma conseñada nel **Artículo 22 apartáu 2**, sacantes pa la eleición de Presidente y Xunta Direutiva, que va tar a lo dispuesto nel **Artículo 33**.

6<sup>ª</sup>. Presentase nel llocal social d'un mou decorosu, y guardar en tou momentu l'orde, la compostura y respetu a les y los demás.

7<sup>ª</sup>. Cumplir colos Estatutos d'**ACAdB** en tolo que-yos atañe, colos alcuerdos de l'Asamblea Xeneral y Xunta Direutiva, y con toles disposiciones que s'orixinen d'elles.

8<sup>ª</sup>. Evitar espresiones que perxudiquen o comprometan el prestixu o la bona imaxe del Centru o de los/es sos asociaos/es.

### **Artículo 9. Representación y ostentación.**

**EL CENTRU ASTURIANU DE BARCELONA** ye ayenu a toa tendencia política, ideolóxica y relixosa y va respetar les de los/es sos asociaos/es, que van tener qu'evitar representar a l'**ACdB** o facer ostentación pública de los cargos qu'exerzan nel mesmu, en cualesquier manifestación o actu, con fines de proselitismu partidista o eleutoralista.

### **Artículo 10. Pérdida de la condición de sociu/a.**

Van ser causa de baxa como sociu/a:

1<sup>ª</sup>. La voluntaria, per escritu dirixíu a la Xunta Direutiva.



2<sup>ª</sup>. La falta injustificada de pagu de la cuota social. Nesti casu, va requerise al/a la sociu/a per escrito pa que póngase al corriente nel términu de quince díes hábiles. De nun facelo, nin xustificar la causa d'impagu, va dase de baxa na Asociación a esa persona. Los/es socios/es daos/es de baxa por falta de pagu van poder reingresar abonando'l descubiertu adeudáu si aleguen circunstancias especiales o inconvenientes razonables, por resolución de la Xunta Direutiva, con o ensin reconocimientu de l'antigüedad según los casos.

3<sup>ª</sup>. Facer dalgún actu, dientro o fuera de l'Asociación, que perxudique'l bon nome o prestixu d'ésta, amás de lo que perxudique de cualesquier manera los intereses de la mesma.

4<sup>ª</sup>. Maltratar dientro de la sede social, de pallabra o obra, a otra persona.

5<sup>ª</sup>. Contravenir los alcuerdos de l'Asamblea Xeneral o de la Xunta Direutiva, incumplir de forma grave o d'un mou continuáu les obligaciones señalaes nel **apartáu 7 del Artículu 8**.

6<sup>ª</sup>. Por fallecimientu.

7<sup>ª</sup>. Cualesquier otra causa que, pola so gravedá, a criteriu de la Xunta Direutiva, mereza esta sanción.

### **Artículu 11. Sanciones.**

Les sanciones van poder imponese a los/es socios/es por incumplimientu o infraición d'estos Estatutos son les que siguen:

- a) Amonestación verbal.
- b) Amonestación escrita.
- c) Suspensión de los drechos d'asociáu/ada d'un mes a un añu.
- d) Baxa definitiva con pérdida de tolos drechos.

### **Artículu 12. Réxime y procedimientu disciplinariu.**

La Xunta Direutiva tien potestá pa imponer les sanciones de los apartaos **a)** y **b)** del artículu anterior. Les establecíes nos apartaos **c)** y **d)** del mesmu artículu va imponeles tamién la Xunta Direutiva pero instruyendo espediente sancionador, pente medies del procedimientu siguiente:

**a)** La Xunta Direutiva, na primer sesión que celebre dempués de los fechos que motiven l'espediente, o en sesión urxente si la falta fuera grave, va designar un/a Ponente d'ente les persones socios Escelsos, Laureaes, de Méritu o Numberaries, pa la instrucción del procedimientu. El/la ponente nun va poder ser componente de la Xunta Direutiva nin pariente del/de la espedientáu/ada.

**b)** La Xunta Direutiva va notificar a la persona espedientada l'entamu del mesmu y el/la Ponente designáu/ada, pa que nel términu de quince díes hábiles, contaos a partir de la fecha de receición de la notificación, pueda aportar les pruebas, descargos y alegaciones que crea conveniente. La persona espedientada va poder intervenir nel espediente por ella mesma o representada por otu/a sociu/a, casu nel que va tener de comunicase-y per escrito d'inmediato al/a la Ponente. La recusación del/de la Ponente pola persona espedientada namás va ser almisible por causa motivada.

**c)** El/la Ponente va tener de concluyir l'espediente nel términu máximu de cuarenta díes naturales, oyendo a los/es afeutos/es, recoyendo toles pruebas y manifestaciones apropiaes y formulando les propuestes correspondientes.



Asociación

## Centro Asturiano de Barcelona

- d)** Cuando la infracción fuera notoriamente grave, o la presencia de la persona espedientada pudiera resultar provocativa o perturbadora, la Xunta Direutiva va poder disponer, al entamar l'espedito, la suspensión temporal de los sos drechos de sociu/a y torga-y l'accesu a les dependencias sociales.
- e)** La persona espedientada y el/la Ponente van poder recurrir énte la primer Asamblea Xeneral Ordinaria la decisión qu'adopte la Xunta Direutiva al resolver l'espedito.
- f)** Cuando la persona espedientada fuera componente de la Xunta Direutiva va abstenese d'intervenir, quedando suspendíu/ida provisionalmente de les sos funciones dende la incoación hasta la resolución del espedito, a criteriu de la Xunta Direutiva.
- g)** Si les sanciones previstes nos apartaos **c)** o **d)** del **Artículo 11** s'impusieren a un/a componente de la Xunta Direutiva, el/la Presidente va proceder al so cese definitivu nel cargu y a cubrir la vacante producida.
- h)** Pa les actuaciones del espedito, tanto'l/la ponente como la Xunta Direutiva, van poder valise de los servicios de Secretaría de l'**ACAdB** y toles notificaciones a les persones interesaes van facese per corréu certificáu con acuse de recibu. Si se refugara l'acuse de recibu, la notificación va considerase válida cola esposición de la mesma nel tablón d'anuncios.

### CAPÍTULO III

#### DE LOS/ES SOCIOS/ES D'OTROS CENTROS ASTURIANOS Y DE LOS/ES SIMPATIZANTES Y SIGUIDORES

##### **Artículo 13. Socios/es d'otros Centros Asturianos**

- a) Los/es socios/es d'otros Entidaes Asturianas van tener accesu a les dependencias d'ésta, mientras tean en Cataluña menos de tres meses, pero ensin voz nin votu.
- b) Los/es socios/es del restu de Centros Asturianos de Cataluña, al corriente de pagu de les sos cuotes, van tener nesti Centru la mesma consideración que les persones socias del mesmu, pero ensin voz nin votu.

##### **Artículo 14. Simpatizantes y siguidores.**

A les persones o instituciones que, ensin ser socias, se distinguieran por dalgún fechu notable o serviciu extraordinariu fechu en beneficiu d'Asturies o d'esta Asociación, o quieran ser siguidores o usuarios/es eventuales, va otorgáse-yos dalgún de los nomamientos que siguen:

- a) **Honor**
- b) **Patrocinador/a**
- c) **Amigu/a de l'ACAdB**
- d) **Eventual**

**14.1.** Van tener el nomamientu d'**Honor** les persones qu'ensin ser socias se distinguieran por dalgún fechu notable o serviciu extraordinariu fechu en beneficiu d'Asturies o d'esta Asociación. El nomamientu va ser potestá de l'Asamblea Xeneral, a propuesta de la Xunta Direutiva.

**14.2.** Van tener el nomamientu de **Patrocinador/a** les persones físicas o xurídiques de calter asociativu profesional o empresarial con personalidá xurídica, qu'ensin ser socias, faigan una aportación económica o n'especies a l'**ACAdB**. Los/es patrocinadores que constituyan una persona xurídica han nomar como representante a una persona física. El nomamientu va ser potestá de l'Asamblea Xeneral, a propuesta de la Xunta Direutiva.

**14.3** Van tener el nomamientu d'**Amigu/a de l'ACAdB** les persones qu'ensin ser socias quieran recibir la circular informativa de l'**ACAdB**.



Asociación

## Centro Asturiano de Barcelona

**14.1** Van tener el nomamientu d'**Eventual** les persones que, de mou circunstancial y ensin ser socies, participen nes actividaes de l'**ACAdB** y satisfagan les cuotes que s'establezan.

**14.5.** Les persones simpatizantes y siguidores d'**Honor, Patrocinadores, Amigos/es de l'ACAdB y Eventuales** nes que nun concurren otre circunstancies nun van tener nin voz nin votu nes Asamblees Xenerales ordinaries y estraordinaries.

### **CAPÍTULO IV PATRIMONIU Y RECURSOS ECONÓMICOS. ADQUISICIÓN Y TRESPASU DE BIENES. PRESUPUESTU Y ESTÁU CONTABLE**

#### **Artículo 15. Patrimoniu.**

El patrimoniu de l'**ACAdB** ta constituyíu pol terrenu de la propiedá, nes cais Naranjo de Bulnes, númb. 1-7, Ràfols númb. 17-21 y Avenida Josep Vicenç Foix , númb. 116-120, toes de Barcelona, amás de les edificaciones y instalaciones contruyíes ellí o que puedan edificase nel futuru, pol moblame, preseos y el restu d'elementos esistentes nesos terrenos pal cumplimientu de los fines sociales, y por tolos bienes y drechos se vayan adquiriendo.

#### **Artículo 16. Recursos Económicos.**

El Centru Asturianu de Barcelona va tener los recursos siguientes p'atender al sostenimientu de l'Asociación y a la realización de los sos fines:

- 1<sup>u</sup>. Coles cuotes que paguen los/es socios/es.
- 2<sup>u</sup>. Colos donativos y subvenciones.
- 3<sup>u</sup>. Coles aportaciones que, de mou voluntariu o por derrames, faigan los/es socios/es o les secciones.
- 4<sup>u</sup>. Colos créditos y hipoteques que, nel so casu, se consideren necesarios.
- 5<sup>u</sup>. Colos rendimientos del so patrimoniu y la emprestación de servicios.
- 6<sup>u</sup>. Col restu d'ingresos que la llei autoriz.

#### **Artículo 17. Adquisición, Trespasu de bienes y Disposición de Dominiu.**

Como persona xurídica que ye, l'**ACAdB** va poder adquirir y tener bienes y drechos de toa clase, enayenalos y gravalos acordies colo conseñao nestos Estatutos, contrayer obligaciones y exercer aiciones de cualesquier naturaleza.

Ensin perxuiciu de lo espresao nel párrafu anterior, pa poder enayenar o facer actos de disposición del dominiu, en tou o en parte, la finca a que fai referencia l'Artículo **15** (Rexistral 24696 del Rexistru de la Propiedá númb. 8 de Barcelona) o les instalaciones construyíes nella, va precisase'l votu afirmativu del 70% de los/es asociaos/es presentes y representaos/es na Asamblea Xeneral Estraordinaria convocada al efeutu.

#### **Artículo 18. Intereses sociales.**

De nenguna forma va poder tomase decisión dala en beneficiu de cualesquier sociu/a o persona ayena a esta Asociación, en perxuiciu de los intereses sociales. Tou alcuertu en sentíu talu va considerase nulu, de conformidá coles Lleis.





Asociación

## Centro Asturiano de Barcelona

### **Artículo 19. Presupuestu y estáu contable.**

1. La xestión económica y financiera d'esti Centru va tar sujeta a réxime de presupuestu ordinariu añal. La Xunta Direutiva pa poder confeicionar presupuestos estraordinarios siempre qu'estime la so necesidá y esistan posibilidaes de financiación, acordies col **apartáu 10º del Artículo 43**.
2. L'exerciciu va zarrase'l 31 d'avientu de cada añu y el Centru va presentar les sos cuentas y balances al organismu encargáu del Rexistru competente: Generalitat de Cataluña, Departament de Justícia-Direcció General de Dret d'Entitats Jurídiques, enantes del 30 de xunu; y al Gobiernu del Principáu d'Asturies enantes del 30 d'abril del siguiente añu y al Rexistru Mercantil pal so depósitu nél, na forma llegalmente establecida pa les Asociaciones d'Utilidá Pública, nel plazu de los seis meses siguientes a la finalización del exerciciu, axuntando la Memoria descriptiva de les actividaes feches a lo llargo d'esi añu y los documentos específicos que solicite cada organismu.
3. Va llevase la contabilidad conforme a les normes específiques que-y resulten d'aplicación, de mou que permita obtener la imaxe fiel del patrimoniu, del resultáu y de la situación financiera de l'Asociación.
4. Va efectuase un inventariu añal de los bienes.
5. Los beneficios que, nel so casu, s'obtingan derivaos del exerciciu d'actividaes económicas, incluyés les emprestaciones de servicios, van destinase, de mou esclusivu, al cumplimientu de los fines de l'Asociación, señalaos nel Artículo 2.
6. Esti Centru va responder de les sos obligaciones con tolos bienes presentes y futuros.
7. Los/es socios/es nun respúenden personalmente de les deudes de l'Asociación.

## **CAPÍTULO V DE LES ASAMBLEES XENERALES, FUNCIONAMIENTU Y CONVOCATORIA, COMPETENCIA Y ELEICIÓN DE CARGOS**

### **Artículo 20. Asamblea Xeneral.**

L'Asamblea Xeneral, constituyida con arreglu a estos Estatutos, ye l'Muérganu Supremu de gobiernu de l'Asociación, integrada poles persones socios/as. Adopta los sos alcuerdos pol principiu mayoritariu o de democracia interna y exerce les máximes funciones de normativa, alministración y control, amás de la espresión de la posición y aspiraciones de los/es socios/as. Los sos alcuerdos van ser obligatorios pa tolos/es socios/es del Centru. Va reunise, a lo menos, una vegada al añu.

### **Artículo 21. Asamblees Xenerales Ordinaries y Estraordinaries.**

1. Les Asamblees Xenerales van ser Ordinaries y Estraordinaries.
2. Les Asamblees Ordinaries van celebrase dientro de la cabera decena del mes de febreru de cada añu, con convocatoria previa efeutuada pola Xunta Direutiva quince díes enantes de la reunión, que se va notificar a cada persona asociada pente medies d'un escritu dirixíu a les señes apurríes o a la direición de corréu lletrónicu que figure na rellación actualizada de socios/es de l'**ACAdB**. Va axuntase l'orde del día nel que se van señalar: sitiu, fecha y hora de l'asamblea na primer y na segunda convocatoria y los asuntos a tratar. Tamién va colocase nel tablón d'anuncios o na páxina web. Amás, va poder anunciase per cualesquier otru mediu qu'estímese conveniente: prensa, radiu, etc.



3. Les Asamblees Estraordinaries van celebrase:

a) Cuando la Xunta Direutiva lo alcuerde.

b) Cuando un mínimu del diez por cientu de socios/es con voz y votu, y al corriente de les cuotes lo solicite per escrito, espresando los motivos. Nesti casu la Xunta Direutiva va reunise con calter d'urxencia, conforme al artículu **41** y va acordar convocar la so celebración dientro de los trenta díes siguientes. Sicasí, si nel plazu máximu de los dos meses siguientes se celebrara Asamblea Ordinaria y los asuntos a tratar permitieran la demora, van incluyise nel **puntu 5ª** del orde del día del Artículu **23**.

c) En cualesquier casu, l'Asamblea Xeneral Estraordinaria va convocase con quince díes d'antelación si los asuntos a tratar nun requieren mayor urxencia y va anunciase pente comunicación a caún/a de los/es socios/es per corréu postal o per corréu lletrónicu.

### **Artículu 22. Funcionamientu y convocatoria.**

1. En constituyendo la Mesa colos/es componentes de la Xunta Direutiva, l'Asamblea xeneral va constituyise válidamente en primer convocatoria cuando concurren, presentes o representaes, un terciu de les persones asociaes, o la metá más una de les persones **Fundadores, Escelses, Laureaes, de Méritu** o **Numberaries**. En segunda convocatoria va poder celebrase independientemente del número d'asistentes.

2. A efeutos de representación, el/la sociu/a que nun pueda asistir y quiera que lu/la represente otu/a, va entrega-y autorización roblada por dambos/es acompañando copia del DNI del sociu/a que delega, na que va tener de constar la fecha de l'Asamblea y la xustificación del motivu que-y impide dir, y el nome y apellíos de la persona representante, que tien qu'acreditar la so identidá y la so condición de representante. Caún/a de los socios/es namás va poder aportar un votu delegáu. Esta delegación nun va poder usase pa eleición de Presidente/a y Xunta Direutiva, que va atendese a lo dispuesto nel **Art. 33**.

3. El/la Presidente y el/la Secretariu/a de les Asamblees van ser los/les titulares respetivos/es d'estos cargos na Xunta Direutiva.

4. Los alcuerdos de l'Asamblea Xeneral van adoptase por mayoría simple de les persones presentes o representaes, cuando los votos afirmativos superen a los negativos. Por embargu, va requerise mayoría cualificada de les persones presentes o representaes (que va resultar cuando los votos afirmativos superen la metá), pa los alcuerdos relativos a modificación de los Estatutos y disposición o enayenación de bienes, sacantes moblame, que va rexise pol **Artículu 17, párrafu 2ª**. L'alcuerdu sobre la disolución del Centru va precisar el votu afirmativu del 70% de los/es socios/es presentes y representaos/es, según dispón l'**Art. 54**.

### **Artículu 23. Orde del día de l'Asamblea Xeneral Ordinaria y eleiciones.**

1ª. Llectura y aprobación, si procede, del Acta de la sesión anterior.

2ª. Decidir y resolver al rodiu de la Memoria na que se conseñen los actos realizaos pola Xunta Direutiva demientres l'añu.

3ª. Aprobar, nel so casu, les cuentas d'ingresos y gastos del últimu exerciciu económicu zarráu'l 31 d'avientu. En casu de nun s'aprobar les cuentas por disconformidá, total o parcial, de l'Asamblea, ésta va designar tres censores d'ente los/es socios/es, que van redactar nel plazu de quince díes naturales l'informe correspondiente. Si lo consideren necesario, van proponer el nomamientu d'un/a Censor/a Xuráu de Cuentas a la Xunta Direutiva, qu'en plazu de quince díes va solicitase al Colexu Oficial y que va recaer na persona que correspuenda por turnu d'esti Colexu, quedando en suspensu l'alcuerdu relativu a esti estremu hasta la emisión del dictame y la celebración d'Asamblea nueva, si fuera necesario pa la so aprobación.

4ª. Llectura y aprobación, si procede, del Presupuestu del exerciciu viniente.



Asociación

## Centro Asturiano de Barcelona

5ª. Tratar los asuntos y resoluciones que proponga la Xunta Direutiva o que presenten los/es socios/es, acordies con estos Estatutos.

6ª. Entender y resolver los recursos que se presenten contra alcuerdos tomaos pola Xunta Direutiva n'espeditos sancionadores, siempre a instancia de la persona interesada o Ponente. Van poder facer usu de la pallabra, amás de la persona interesada, un/a sociu/a designáu/ada enantes pola persona que foi oxetu de sanción. Cualesquiera de los/es intervinientes van poder solicitar la llectura de los particulares del espediente que crean oportunu.

7ª. Escoyer, por votación, la Xunta Direutiva cuando proceda.

8ª. Variar, en casu necesariu, la cuantía de la cuota social.

9ª. Ruegos y entrugues.

Esti orde ye vinculante pa la formación del orde del día de l'Asamblea Ordinaria.

### **Artículo 24. Duración máxima de les Asamblees.**

La duración máxima de les Asamblees Xenerales va ser de cuatro hores ensin interrupciones. Si nesi períodu de tiempu nun se debatieren tolos asuntos del orde del día va poder continuase a criteriu de l'Asamblea convocándose, en casu d'interrupción, nel mesmu actu, si fuera posible, día y hora pa seguir con ella.

Amás, si ye un asuntu que nun pudiera acabar de debatise porque l'Asamblea solicitara informes, dictámenes o aclaraciones nueves, van pasar a debatise'l restu de los asuntos y en terminando, va quedar suspendida l'Asamblea hasta que, cuando se reciba la documentación requerida, vuelva a convocase.

### **Artículo 25. Usu de la pallabra.**

Pa facer usu de la pallabra nos debates, el/la sociu/a tien que solicitar previamente la intervención al/a la Presidente/a, quien va concedela per orde rigurosu de pidimientu.

### **Artículo 26. Debates o alderiques.**

1. Pa discutir les proposiciones y enmiendes, van concedese de mou ordinariu dos turnos a favor y dos en contra.

2. El/la Presidente/a va poder determinar el tiempu de les intervenciones y ampliar los turnos acordies cola importancia de los asuntos que trátense.

3. Pa proponer la inclusión d'asuntos nel orde del día de l'Asamblea Xeneral, nel puntu 5ª del Artículo 23, va ser necesaria la firma de diez socios/es con voz y votu y al corriente de pagu de la cuota, y tien que se recibir la proposición en Secretaría con trenta díes naturales d'antelación a la fecha na que se celebre l'Asamblea.

### **Artículo 27. Usu de pallabra, por alusión.**

Van poder usar la pallabra, anque nun soliciten turnu, los/es asociaos/es aludíos/es nel debate o alderique, ensin que la so intervención consuma turnu en cuanto a les proposiciones.

### **Artículo 28. Usu de la pallabra pa cuestiones de forma.**



En cualesquier momentu d'un debate o alderique, van poder usar la pallabra los/es asistentes de l'Asamblea pa cuestiones de forma o pa pidir la llectura de los artículos de los Estatutos o documentos rellacionaos col discutiniu entabláu.

### **Artículo 29. Llamada al orde.**

Al/a la sociu/a al/a la que llamen al orde por estrallimitación notoria, va poder quitáse-y l'usu de la pallabra demientres el restu de la sesión, y si desacatara esta decisión del/de la Presidente/a, van convidalu/la a abandonar l'Asamblea. Si se niega o adopta una actitú incorreuta va abrise-y un espediente, ensin perxuičiu de tomar el restu de midíes necesaries nesi momentu.

### **Artículo 30. Votaciones.**

**1º.** Por aclamación. Va considerase asina cuando l'aprobación o desaprobación seya por mayoría manifestada ensin reparu dalgún al facer la entruга'l/la Presidente/a.

**2º.** Nominalmente. Les votaciones nominales van efectuase llamando a cada persona asociada pol so nome y apellíos: van dicir "SÍ" o "NON", según aprueben o desaprueben, formalizando'l/la Secretariu/a la llista correspondiente de votantes que ficieran usu del so drechu con intervención o auxiliu de dos socios/es. Tamién nel casu de votación por papeletes.

**3º.** Por papeleta:

**a)** El sistema de papeletes, o votación secreta, va facese llamando'l/la Secretariu/a a les persones asistentes por orde alfabéticu, entregando caún/a la so papeleta al/a la Presidente/a, que va introducila na urna dando la voz de "VOTA" y n'acabando la votación va entruugar tres vegaes si falta dalguién por votar.

Una vegada acabada la votación y en comprobando los/es votantes y les papeletes, el/la Presidente/a va facer l'escrutiniu cola ayuda de dos socios/es, lleéndose en voz alta'l resultáu del escrutiniu. La rellación van firmala los/es escrutadores y va conservase en Secretaría, destruyéndose les papeletes.

**b)** Cuando la votación se faiga pa escoyer Presidente/a y Xunta Direutiva, l'Asamblea va formar una Mesa, onde nengún de los/es componentes va poder ser candidatu/a. Ésta va tar formada por Presidente/a, Secretariu/a, un/a axuntu/a, dos socios/es escrutadores (que va designar la propia Asamblea), y un/a interventor/a por candidatura (que va poder designar el/la cabezaleru de llista, siguiéndose'l mesmu procedimientu espresáu nel apartáu **a)**).

Cuando dos o más candidatos/es a Presidente/a tengan igual número de votos, va ser proclamáu'l sociu/a más antiguu/a.

Cuando namás haya una candidatura, va votase por aclamación y, nel so casu, por mayoría simple.

### **Artículo 31. Alcuerdos.**

Los alcuerdos van ser válidos y executivos si s'adopten por mayoría, como afita l'Artículo 22. En casu d'empate, va decidir el/la Presidente/a col so votu de calidá. Si s'astuviera de votar, va repetise la votación y si resultara empate otra vuelta, el/la Presidente/a nun va poder astenese d'usar el so votu, sacantes cuando trátase d'eleición de cargos, que se va tar a lo dispuestu nel artículo 30 apartáu 3º **b)**.

### **Artículo 32. Votu por papeleta.**

Amás de pa la eleición de Presidente/a y Xunta Direutiva, la votación por papeleta va poder adoptase pa los asuntos de calter personal y a solicitú de cualesquier sociu/a asistente, a criteriu de l'Asamblea.



Asociación

# Centro Asturiano de Barcelona

## **Artículo 33. Votu anticipáu o per corréu, pa eleición de Presidente/a y Xunta Direutiva.**

1. El/la sociu/a que nun seya quien a asistir a l'Asamblea va poder anticipar el so votu en Secretaría hasta les 21:00 hores del día anterior, introduciendo la papeleta de votación nun sobre zarráu pa garantizar el secretu del votu. Esti sobre, xunto con una fotocopia del DNI y la xustificación del motivu d'inasistencia, van introducise n'otru sobre que, cola frase "Contién Votu" va entregase na Secretaría del Centru, pudiendo solicitar resguardu de la so presentación.

2. De la mesma manera, la persona que prevea ausencia y quiera votar, va proceder como afítase nel apartáu anterior, unviándolo per corréu o mediu asemeyáu, afitando "Contién Votu". Tien que recibise en Secretaría como mui tarde a les 21:00 hores del día anterior a la fecha de l'Asamblea.

3. Los unvios recibíos en cualesquiera de les modalidaes anteriores van ponese -dende Secretaría- a disposición de la Mesa Eleutoral na Asamblea pa resolver y computar, nel so casu, estos votos.

## **CAPÍTULO VI DE LA XUNTA DIREUTIVA, COMPOSICIÓN, RÉXIME, COMPETENCIA Y ALMINISTRACIÓN**

### **Artículo 34. Réxime de l'ACAdB.**

L'ASOCIACIÓN CENTRU ASTURIANU DE BARCELONA ríxese polos presentes Estatutos, pola Asamblea Xeneral de Socios/es y pola Xunta Direutiva.

### **Artículo 35. Xunta Direutiva.**

La Xunta Direutiva ye l'muérganu permanente de gobiernu, alministración y representación de l'Asamblea Xeneral. La interpretación d'estos estatutos correspuende a la Xunta Direutiva de l'ACAdB, ensin perxuiciu de los drechos que-yos correspuenden a los/es socios/es de conformidá cola llei y con estos estatutos.

a) Va tar formada por: un/a Presidente/a, un/a o dos Vicepresidentes, un/a Secretariu/a, un/a Ayalgueru/a, un/a Contador/a.

b) Los/es Delegaos/es de les Árees a atender, que como mínimu van ser les cuatro que siguen: Cultura, Mocedá y Deporte; Convivencia, Cooperación y Igualdá; Rellaciones Esternes; y Patrimoniu, Caltenimientu y Instalaciones.

El/la Presidente/a o, nel so casu, la persona candidata a la presidencia, tán facultaos/es p'ampliar el númberu d'Árees y proponer tolos cargos que consideren necesarios, como Vicesecretariu/a, Viceayalgueru/a y Vicecontador/a, amás de pa nomar les comisiones d'asesoramientu qu'estimen necesaries.

El/la Presidente/a va dar conocimientu a los/es socios/es del organigrama diseñáu y de cualesquier modificación posterior del mesmu.

La vixencia ye de cuatro años, y van poder volver a escoyese per periodos consecutivos de duración idéntica.

### **Artículo 36. Remuneración de la Xunta Direutiva.**

Los cargos de la Xunta Direutiva nun van ser renumeraos, ensin perxuiciu de que puedan reembolsáse-yos los gastos xustificaos que-yos ocasione'l desempeñu de la so función.



Asociación

## Centro Asturiano de Barcelona

### **Artículo 37. Candidatures a Presidente/a.**

El/la candidatu/a a Presidente/a tien qu'informar a los/es socios/es sobre:

1<sup>ª</sup>. El programa a desendolcar.

2<sup>ª</sup>. L'organigrama col nome y cargu de caún/a de los componentes del so equipu, al que se refier l'Artículo 35 (que van tener de roblalu con elli/ella en prueba d'aceutación), responsabilizándose de que tolos/es componentes de la so candidatura reúnan los requisitos llegalos y estatutarios requeríos y tean al corriente del pagu puntual de la cuota de l'Asociación. La candidatura como mínimu va tener qu'incorporar un/a Presidente/a, un/a Vicepresidente/a, un/a Secretariu/a, un/a Ayalgueru/a, y un/a Contador/a. Los/es Delegaos/es d'área que s'incorporen a la Xunta Direutiva van tener de cumplir los mesmos requisitos estatutarios.

3<sup>ª</sup>. El plan económicu cuantificáu y los sistemes de financiación pal desendolcu del so programa.

### **Artículo 38. Eleición de Presidente/a y Xunta Direutiva**

1. Les candidatures van presentase en Secretaría enantes de trescurrir los primeros diez días naturales del mes de xineru del añu nel que vayan ser les eleiciones.

2. El/la Secretariu/a va certificar les candidatures recibíes en tiempu y forma y va publicales nel tablón del Centru per orde de fecha de receición, conservando tamién les defeutuoses. Too esto xunto col so informe va treslladalo a la Comisión Eleitoral que va constituyise. El funcionamientu y el procesu eleitoral d'esta Comisión va regulase nel Reglamentu de Réxime Interior que van completar estos Estatutos.

3. Establézse un periodu de diez días naturales a partir del día selce de xineru como plazu pa impugnaciones, que va poder formular cualesquier sociu/a, al corriente de pagu y con drechu a votu, pente medies d'un escritu fundamentáu.

4. Una vegada resueltos les impugnaciones -si les hubiera- pola Comisión Eleitoral enantes del día tres de febreru, van proclamase les candidatures almitíes, quedando abierta la campaña eleitoral hasta les 00:00 hores del día anterior al de les eleiciones, comunicándolo a los/es socios/es per circular, tablón d'anuncios o medios dixitales.

5. Los/es candidatos/es que quieran van poder espublizar, al so cargu, el so programa eleitoral en cualesquier mediu de comunicación. Amás, van poder fixalu nel tablón d'anuncios del Centru y dirixilu a los/es socios/es de l'Asociación, tamién al so cargu, al traviés d'etiquetáu adhesivu de les señes y franquéu na Secretaría del Centru, que va encargase del so unvíu.

### **Artículo 39. Vacantes na Xunta Direutiva.**

1. El/la Presidente/a tien la facultá pa proceder al cese y/o sustitución nel cargu d'un/a componente de la Xunta Direutiva cuando se dean los motivos siguientes:

a) Dimisión.

b) Cuando, erixéndose en representación de l'ACAdB o de la Xunta Direutiva, fomente o participe n'aiciones ilegales.

c) Cuando en cualesquier actu ostente la representación del Centru ensin tenela atribuyida d'un mou espresu, respondiendu personalmente, en casu talu, de les obligaciones contrayíes.



d) Cuando ensin causa xustificada falte de mou reiteráu a les sesiones de la Xunta Direutiva o de l'Asamblea Xeneral.

e) Cuando contravenga en cualesquier forma estos Estatutos o incumpla gravemente lo dispuesto polos muérganos de gobiernu y/o de representación.

2. Si se produxera dimisión en bloque de más de la metá del númberu de componentes de la Xunta Direutiva, ésta tien que convocar nueves eleiciones nun plazu máximu de 30 díes, abriéndose'l periodu eleutoral con plazos iguales, anque acoplándolos nel tiempu a los qu'establez l'Artículu 38. La Xunta Direutiva va siguir coles sos funciones hasta que tome posesión la nueva. Ésta va exercer el mandatu hasta l'Asamblea Ordinaria del mes de febreru siguiente a cumplir los cuatro años de la so eleición, na que van celébrase eleiciones nueves que van tener de convocase según lo estableció nel citáu Artículu 38.

#### **Artículu 40. Representación y alministración.**

1. La representación llegal de l'**ACAdB** corresponde al/a la Presidente/a.

2. La función alministrativa y de gobiernu radica na Xunta Direutiva, que va resolver con calter executivu los casos non previstos nestos Estatutos, cola obligación de poner en conocimientu de la primer Asamblea Xeneral que se celebre, les determinaciones tomaes con calter talu. En nengún casu va poder suspender, modificar, nin llimitar lo conseñao nos Estatutos. Va xestionar y representar los intereses de l'Asociación acordies coles disposiciones y direutives de l'Asamblea Xeneral y les sos facultaes van estendese, con calter xeneral, a los actos propios de les finalidaes de l'Asociación, siempre que nun requieran autorización espresa de l'Asamblea Xeneral, acordies colo conseñao nestos Estatutos.

3. Van poder ser componentes de la Xunta Direutiva los/es socios/es **Fundadores, Escelsos/es, Laureaos/es** y los/es de **Méritu**, amás de **los/es Numberarios/es** que lleven dos años siéndolo y seyan mayores d'edá. Tienen que tar en posesión de los drechos civiles y nun tar incursos/es en motivos d'incompatibilidad establecíos na llexislación vixente. La identidá de les persones titulares de la Xunta Direutiva y la fecha de la so eleición tienen que constar nel Rexistru d'Asociaciones competente y nel restu de los organismos de l'Alministración que lo requieran.

4. Los/es componentes de la Xunta Direutiva y les demás persones qu'obren en nome y representación de l'**ACAdB** van responder énte ésti, énte los/es asociaos/es y énte terceros/es polos daños causaos y les deudes por actos dolosos, culposos o negligentes.

5. Les persones a les que se refier l'apartáu anterior van responder civil y alministrativamente polos actos y omisiones fechos nel exerciciu de les sos funciones y polos alcuerdos que votaron, frente a terceros/es, a l'Asociación y a los/es asociaos/es.

Cuando la responsabilidá nun pueda imputase a nengún/a componente o titular de los muérganos de gobiernu y representación, van responder toos/es solidariamente polos actos y omisiones a los que se refier el presente númberu 5 y el númberu 4 precedente d'esti artículu, a nun ser que puedan acreitar que nun participaron na so aprobación y execución o qu'espresamente s'opusieron a dambes. La responsabilidá penal va rexise polo establecío nes lleis penales.

#### **Artículu 41. Ostentación o representación del sociu/a.**

El sociu/a o grupu de socios/es en nenguna actividá nin circunstancia va poder ostentar la denominación del Centru Asturianu o la representación del mesmu, si nun yos-autoriza la Xunta Direutiva d'un mou espresu y pa cada casu concretu.



Asociación

## Centro Asturiano de Barcelona

### **Artículo 42. Reuniones de la Xunta Direutiva.**

La Xunta Direutiva va reunise d'ordinariu una vegada al mes y siempre que los asuntos requieranlo. Van poder celebrase en primer convocatoria si tán presentes más de la metá de los/es componentes. Pasada media hora va celebrase independientemente del número d'asistentes y los alcuerdos que se tomen van ser executivos. Van recoyese nun llibru les actes de les reuniones de l'Asamblea Xeneral y de la Xunta Direutiva. En cada acta de la Xunta Direutiva va conseñase la fecha y la hora na que entama y termina, el nome de les persones asistentes, les sos intervenciones y los alcuerdos que s'adopten por unanimidá o por mayoría, indicando nesti casu los nomes de les persones que s'opongan. L'acta va incorpore al Llibru que correspuenda y va roblala'l/la Secretariu/a col Preste del/de la Presidente/a. Pa casos urxentes o puntuales van poder reunise telemáticamente y/o per videoconferencia.

### **Artículo 43. Competencies de la Xunta Direutiva.**

1ª. El gobiernu y alministración de l'Asociación.

2ª. El zarru del estáu añal de cuentas a 31 d'avientu de cada añu, elaboración del presupuestu ordinariu pal exerciciu siguiente y confección del inventariu correspondiente.

3ª. Nomar a los/es emplegaos/es del Centru y acordar el so cese: fixa-yos el sueldu y les obligaciones de los cargos, acordies cola llexislación llaboral vixente.

4ª. Acordar la convocatoria de les Asamblees Xenerales Ordinaries y Estraordinaries que considere necesaries, con arreglu a lo qu'estipulen estos Estatutos.

5ª. Iguar y aprobar los estaos de cuentas mensuales.

6ª. Cumplir y facer cumplir los Estatutos y los alcuerdos tomaos nes sesiones y nes Asamblees Xenerales.

7ª. Disponer y acordar tolo que se considere beneficiosu pal Centru y que nun s'oponga a los presentes Estatutos.

8ª. Nomar los/es Delegaos/es y Comisiones que se creyan necesarios pal funcionamientu de les estremaes Secciones o otros cometíos.

9ª. Regular y inspeicionar los xuegos llegalmente autorizaos que se prautiquen nesti Centru, tentando d'evitar cualesquier abusu que pudiera cometese.

10ª. N'agotando'l presupuestu ordinariu, la Xunta Direutiva ta facultada pa facer gastos hasta la cantidá máxima del diez por cientu del mesmu. Cualesquier inversión superior al diez por cientu va haber que consultala a una Comisión Económica, acordies col puntu 8ª, que va emitir un informe a la Xunta Direutiva, ensin que se supere nunca'l venti por cientu del presupuestu. Pa cualesquier actu de disposición superior al venti por cientu va tener de se convocar y someter a l'Asamblea Xeneral, sacantes si ye pa la xestión de los servicios esternalizaos como'l Bar-Restaurante, les pistes deportives, etc.

11ª. Defender los intereses del Centru Asturianu énte los Xulgaos y Tribunales y toa clase d'organismos y entidaes.

12ª. Proponer a l'Asamblea la concesión d'homenaxes y títulos honoríficos.

## **CAPÍTULO VII DEL/DE LA PRESIDENTE/A**

### **Artículo 44. Atribuciones del/de la Presidente/a.**





El/la Presidente/a ejerce la potestá permanente como representante llegal de l'Asociación. Informa, dirixe y coordina l'aición de la Xunta Direutiva y supervisa toles actividaes que desendolquen les persones asociaes, rellacionaes cola Asociación. Va informar de la so actuación a l'Asamblea Xeneral, énte la que va asumir la responsabilidad inherente al so cargu.

Les atribuciones del/de la Presidente/a son:

**1ª.** La representación llegal y oficial de l'Asociación. El so votu de calidá va ser decisivu en casu d'empate nes sesiones de la Xunta Direutiva y nes Asamblees Xenerales, sacantes la eleición de cargos, que va facese como afita l'**Artículu 30.3 apartáu b)**.

**2ª.** Convocar y presidir sesiones de les Comisiones, Xunta Direutiva y Asamblees, dirixendo'l cursu de los debates, con facultá pa conceder y retirar per orde la pallabra. Cuando un/a asociáu/ada llamáu/ada al orde per tres vegaes siga cola mesma actitú, falte a los preceutos de los Estatutos o nun s'axuste al asuntu que se trate, va poder invitalu/la a salir del llocal y, si nun accediera, puede disponer inclusive'l so desaloxu.

**3ª.** Resolver en casos urxentes y imprevistos lo que considere más beneficioso pa l'Asociación, dando cuenta, nel so casu, a la Xunta Direutiva na primer sesión que se celebre.

**4ª.** La supervisión del gobiernu y desarrollu de l'Asociación, acordies colos sos fines.

**5ª.** Autorizar col Preste del/de la Presidente/a los documentos qu'aprobara la Xunta Direutiva o l'Asamblea Xeneral. Autorizar, tamién col Preste del/de la Presidente/a, les actes y los alcuerdos de la Xunta Direutiva y de les Asamblees Xenerales, y tamién les Tarxetes d'Asociaos/es.

**6ª.** Coordinar col/a Vicepresidente/a n'unión, caún/a, del/de la Ayalgueru/a o Contador/a la disposición de les cuentas corrientes, d'aforru o de depósinu nos Bancos o Caxes colos que trabaye'l Centru, cobros y pagos, amás de los arqueos de caja necesarios.

**7ª.** Dar posesión y cese a los/es emplegaos/es del Centru, y a los cargos direutivos proponiendo a la Xunta Direutiva la concesión de premios o l'aplicación de les correiciones que procedan.

**8ª.** Ellaborar l'orde del día de les Asamblees y sesiones, d'alcuertu, nel so casu, cola Xunta Direutiva.

**9ª.** Suspender les Asamblees, sesiones y xuntes cuando estime procedente o se falte de manera notoria a la moderación.

**10ª.** Organizar el funcionamientu de la Xunta Direutiva y asignar a los/es sos componentes, amás de les sos funciones específiques, les que requieran casos especiales.

**11ª.** Llevar sanciones.

**13ª.** El/la Presidente/a va cesar nes sos funciones poles causes siguientes:

- 1.- Dimisión presentada a la Xunta Direutiva
- 2.- Muerte o incapacidá por enfermedá
- 3.- Remate del mandatu pol que lu/la escoyeron.

## **CAPÍTULU VIII DE LOS/ES VICEPRESIDENTES**

### **Artículu 45. Atribuciones de los/les Vicepresidentes.**

**1.** Collaborar col/a Presidente/a en toles funciones que-yos encomiende o delegue.



Asociación

## Centro Asturiano de Barcelona

2. Sustituyir al/a la Presidente/a en casu d'ausencia o enfermedá, ensin prexuičiu de les funciones asumies por delegación. D'esistir dos Vicepresidentes y nun tener delegao de mou espresu'l/la Presidente/a nun/a d'ellos/es, la persona más antigua nel cargu o, nel so defectu, el/la más antiguu/a como sociu/a, va ser el sustitutu/a.

### **CAPÍTULO IX DEL/DE LA SECRETARIU/A**

#### **Artículo 46. Atribuciones del/de la Secretariu/a**

- 1<sup>ª</sup>. La custodia de sellos, llibros, papeles y documentos de l'Asociación.
- 2<sup>ª</sup>. Redactar y roblar col/a Presidente/a, tou tipu de certificaos, documentos oficiales y actes de les sesiones de la Xunta Direutiva y Asamblees Xenerales.
- 3<sup>ª</sup>. Disponer que s'incorporen nel tablón d'anuncios o avisos y/o na páxina web del Centru toa triba de notificaciones que tengan de conocer les persones asociaes.
- 4<sup>ª</sup>. Redactar la Memoria añal de les actividaes de l'**ACAdB**, que va presentase pa la so aprobación a l'Asamblea Xeneral cola so robla y col Preste del/de la Presidente/a.
- 5<sup>ª</sup>. Cooperar pa que se cumplan los alcuerdos de la Xunta Direutiva y Asamblees Xenerales, reiterándolos a los/es responsables del so cumplimentu, y dando cuenta de los pendientes o incumplíos y de los motivos, si los conoz.
- 6<sup>ª</sup>. Llevar un control y archivu d'entrada y salida de correspondencia y documentos del Centru, amás d'un Llibru d'Actes nel que van conseñase les reuniones de l'Asamblea Xeneral y les de la Xunta Direutiva, con espresión de la fecha, número d'asistentes, asuntos trataos y alcuerdos adoptaos, amosando si se tomaron por unanimidá o por mayoría. Les actes va suscribiles el/la Secretariu/a col Preste del/de la Presidente/a.
- 7<sup>ª</sup>. Roblar y unviar, d'alcuerdu col/la Presidente/a, les convocatories pa les sesiones que se celebren, amás de les comunicaciones y despachos que s'alcordaran.
- 8<sup>ª</sup>. Llevar un llibru-rexistru de persones asociaes nel que van constar el nome y apellíos, fecha d'almisión, naturaleza, tipu d'asociáu/ada, fecha de nacencia, profesión si consta, y señes; causa y fecha de la baxa, nel so casu, y amás un ficheru auxiliar per orde alfabéticu y coles anotaciones que se precisen, espresando les persones qu'exerzan cargos d'alministración, gobiernu o representación, y les sos fechas de posesión y cese.
- 9<sup>ª</sup>. Dar cuenta a la Xunta Direutiva de les altes y baxes, coles sos causes, que se produzan na Asociación.
- 10<sup>ª</sup>. Facilitar al/a la Contador/a la rellación nominal de los/es socios/es de pagu, pa estender los recibos de les cuotes y documentos relativos a les mesmes.
- 11<sup>ª</sup>. Tener al so cargu en Secretaría la custodia de les llaves de toles dependencias del Centru y la oficina alministrativa, señalando un horariu de Secretaría p'atención a los/es socios/es.
- 12<sup>ª</sup>. Emplegar los sistemes y programes informáticos que precésense pal meyor desendolcu y eficacia de les sos funciones.
- 13<sup>ª</sup>. De nomar Vicesecretariu/a, esti/a va collaborar col Secretariu/a y va sustituyilu/la si ye necesariu.

### **CAPÍTULO X DEL/DE LA AYALGUERU/A**



#### **Artículo 47. Atribuciones de Ayalgueru/a:**

- 1<sup>ª</sup>. Velar pol emplegu apropiáu de los fondos de l'ACAdB, de los que ye responsable xunto col/a Contador/a, nun reteniendo en caja más que les cantidaes necesaries pa les atenciones inmediates, faciendo arquéu de la caja siempre que lo estime conveniente y de forma obligatoria cada fin de mes y cada fin d'exerciciu añal.
- 2<sup>ª</sup>. Va ser competencia únicamente d'él/ella la receición de los fondos qu'ingresen nel Centru en tolos conceutos, cola oportuna intervención del/de la Contador/a. Los pagos van facese al traviés de tresferencies bancaries y en casos mui puntuales al traviés de talón bancariu nominativu poniendo en cada factura o recibu'l número de talón. Pa cada pagu va estendese un talón independiente. Na caja, y al so cuidáu, va tener efeutivu pa gastos pequeños y atenciones inmediates, de los que va tener de presentar los xustificantes pertinentes de la cantidá que señale la Xunta Direutiva.
- 3<sup>ª</sup>. El/la Ayalgueru/a va tener la custodia de los talonarios del bancu, que va roblar acordies col **artículo 44, apartáu 6<sup>ª</sup>**. Va fixar un día pa los pagos, ensin perxuiciu de los urxentes. Va inspeicionar el movimientu de fondos al traviés del llibru de Caja y cuentas bancaries y va procurar que los pagos se faigan cola intervención del/de la Contador/a y el Preste del/de la Presidente/a.
- 4<sup>ª</sup>. Recibir del Contador/a los recibos confeccionaos pal so cobru; informar a la Xunta Direutiva sobre les persones asociaes que tean al descubiertu nel pagu de les sos cuotes y sobre los demás aspeutos económicos.
- 5<sup>ª</sup>. Entregar al/a la so sucesor/a, al cesar nel desempeñu del so cargu, tolos efeutos y valores de l'ACAdB, previu arquéu y inventariu, de los que va quedar rellación autorizada en Secretaría. Esti actu va tener llugar énte'l/la Presidente/a, el/la Contador/a y el/la Secretariu/a.
- 6<sup>ª</sup>. De nomar Viceayalgueru/a, esti/a va colaborar col Ayalgueru/a y va sustituyilu/la si ye necesario.

### **CAPÍTULO XI DEL/DE LA CONTADOR/A**

#### **Artículo 48. Atribuciones del/de la Contador/a**

- 1<sup>ª</sup>. Llevar un llibru d'intervención nel que va anotar los ingresos y pagos que se faigan na Alministración Xeneral de l'ACAdB.
- 2<sup>ª</sup>. Llevar, en colaboración col/a responsable del Área de Patrimoniu, un llibru-inventariu de tolos bienes y enseres qu'integren el patrimoniu de l'ACAdB, con fecha d'alta, preciu, estáu y baxa, nel so casu.
- 3<sup>ª</sup>. Intervenir cola so firma tolos documentos de contabilidad.
- 4<sup>ª</sup>. Recibir de Secretaría la rellación de socios/es pa estender los recibos de cuotes sociales, que va entregar al/a la Ayalgueru/a pal so cobru direutu o al traviés d'Entidá bancaria, según proceda.
- 5<sup>ª</sup>. Zarrar les cuentas mensuales l'últimu día de cada mes, y les del exerciciu añal a 31 d'avientu, pa la so aprobación pola Xunta Direutiva y pal conocimientu de les persones asociaes (a les que se va informar con antelación suficiente) enantes de someteles a l'Asamblea Xeneral Ordinaria cada de mou añal.
- 6<sup>ª</sup>. Formalizar la nómina de los/es emplegaos/es del Centru, que va pasar al/a la Ayalgueru/a pa que faiga'l pagu.



Asociación

## Centro Asturiano de Barcelona

7<sup>u</sup>. Formalizar, en colaboración coles distintes Árees, el proyeutu de Presupuestu añal xeneral d'ingresos y gastos que va tener de sometese a la sanción de l'Asamblea Xeneral, previa aprobación de la Xunta Direutiva y conocimientu de les persones asociaes (a les que va comunicáse-yos cola antelación necesaria).

8<sup>u</sup>. Formalizar los estaos y documentación esixida pola Hacienda Pública, el Rexistru d'Asociaciones, servicios fiscales y demás organismos competentes.

9<sup>u</sup>. De nomar Vicecontador/a, esti/a va colaborar col Contador/a y va sustituyilu/la si ye necesario.

### CAPÍTULO XII DE LES ÁREES

#### Artículo 49. Atribuciones de los/es Delegaos/es d'Árees.

A cargu de cada Área va haber un/a Delegáu/ada. Van tener de dirixir y coordinar les actividaes que-yos seyan propies, siendo responsables de la so organización, pudiendo designar colaboradores nes distintes Secciones de la so competencia. Van ser, como mínimu, les citaes nel **Artículo 35**, anque'l so númberu va poder incrementase a criteriu del/de la Presidente/a y/o a propuesta de la Xunta Direutiva.

### CAPÍTULO XIII DE LES SECCIONES

#### Artículo 50. Secciones

Pa conseguir cumplidamente l'oxetivu y fines que persigue'l Centru van funcionar les Secciones orgániques que s'estimen necesaries pa la bona marcha de l'Asociación, y van adscribise al Área que proceda en función de la so actividá. Pa formar parte de les Secciones ye imprescindible tar asociáu/ada al Centru.

### CAPÍTULO XIV DE LES AGRUPACIONES Y PEÑES

#### Artículo 51. Agrupaciones o Peñes

Los/es socios/es, llibremente, d'alcuertu colos sos gustos, tendencias y aptitúes, van poder formar Agrupaciones o Peñes, col envís de promover de mou específicu y dar un realce especial a cualesquiera de los fines d'esti Centru, col so esfuerciu o aportación económica. Pal desarrollu de les sos actividaes, nel casu de necesitar dependencies comunes, habrán solicitalo a la Xunta Direutiva con un mes d'antelación y ésta va tener de lo aprobar. Van facilitar a la Xunta Direutiva la Memoria de les sos actividaes al final de cada exerciciu añal.

a) Tolos/es sos componentes tienen que ser socios/es del Centru Asturianu. Nun van esistir tarxetes o carnés d'afiliación o pertenencia; la so denominación va ser la de componente, enxamás la de "sociu/a" o "asociáu/ada". El domiciliu social va ser el del Centru Asturianu de Barcelona.

b) La pertenencia a estes Agrupaciones o Peñes namás escluye a los/es non socios/es del Centru Asturianu. Nun van poder tener un calter clasista o discriminatoriu. Si por razón del so funcionamientu hubiera un númberu restrinxíu de componentes, van respetase les solicitúes per feches. Va tener de les autorizar enantes la Xunta Direutiva, a la qu'hai que comunicar el/la so representante y la fecha d'estinción, nel so casu.

c) Los/es componentes van organizar el so funcionamientu propiu y la so actividá va respetar lo que conseñen los Estatutos.



Asociación

## Centro Asturiano de Barcelona

d) Van gociar d'autonomía económica, non patrimonial. Van poder beneficiase d'ayudes a cargu del Presupuestu añal ordinariu, siempres que la Xunta Direutiva valore la so inclusión y l'Asamblea Xeneral lo apruebe. En casu de disolución, les sos pertenencies van pasar a propiedá del Centru.

e) Pa informar de los actos qu'organicen a los/es socios/es del Centru Asturianu, van poder utilizar, en cuanto fuera posible, el tablón d'anuncios, páxina web, circular, corréu lletrónicu...

f) Pa formar una Agrupación o Peña hai que formular per escrito los oxetivos, cola propuesta roblada polos/es sos componentes; esta documentación va pasase a la Xunta Direutiva pal so estudiu, conformidá y propuesta d'aprobación y, en casu negativu, a l'Asamblea Xeneral.

### CAPITULU XV CONSEYU SOCIO-CULTURAL

#### Artículu 52. Conseyu socio-cultural

La Xunta Direutiva va poder acordar la creación d'un conseyu socio-cultural; va haber qu'informar a l'Asamblea Xeneral Ordinaria sobre la so composición. El conseyu socio-cultural va tar formáu por persones relevantes del mundu cultural, social, universitariu, empresarial, que puedan asesorar a l'ACAdB de forma altruísta.

### CAPÍTULU XVI REFORMES DE LOS ESTATUTOS DESTÍN DE LOS BIENES Y DISOLUCIÓN

#### Artículu 53. Reforma de los Estatutos

Los presentes Estatutos van poder modificase na Asamblea Xeneral Extraordinaria convocada específicamente al efeutu, siendo necesaria, acordies colo conseñao nel Artículu 22 apartáu 4ª, mayoría cualificada, ye dicir, que los votos afirmativos superen la metá de los/es socios/es presentes y representaos/es.

#### Artículu 54. Disolución y destín de los bienes

Esta Asociación constituyóse per tiempu indefiníu. Sicasí, si apaecieren impedimentos graves pa cumplir los fines que recueye l'Artículu 2 d'estos Estatutos, va procedese a la so disolución. Nesti casu, tres la lliquidación pertinente, el patrimoniu d'esti Centru va destinase a una entidá ensin ánimu d'arriquecimentu, con finalidaes asemeyaes, que va determinar l'acuerdu de disolución. Esta entidá tien que ser de les consideraes entidaes beneficiaries del mecenalgu, acordies colo que conseña la llei 4/2008 del Llibru Terceru del Códigu Civil de Cataluña, relativu a les persones xurídiques, y el párrafu terceru del artículu 3 de la Llei 49/2002 del réxime fiscal d'entidaes ensin fines llucrativos y incentivos fiscales al mecenalgu. Los fondos documentales van entregase al Gobiernu del Principáu d'Asturies. P'aprobar la disolución d'esti Centru Asturianu va precisase'l votu afirmativu del 70% de los/es socios/es presentes y representaos/es na Asamblea Xeneral Extraordinaria convocada al efeutu.

#### Disposición Transitoria y entrada en vigor.

N'aprobándola la Asamblea Xeneral Extraordinaria convocada al efeutu, la redaición nueva d'estos Estatutos adautada a tales lleis y inscritos los Estatutos nel rexistru correspondiente, van entrar en vigor y va unviase a caún/a de los/es socios/es un exemplar d'ellos, asoleyándolo asinamesmo na páxina web.

#### Dilixencia final.



Asociación

# Centro Asturiano de Barcelona

Daniel García-Pedrayes Rodríguez, Secretariu de la Xunta Direutiva del Centru Asturianu de Barcelona actuó como secretariu, certificando qu'estos Estatutos s'aprobaron na Asamblea Xeneral Extraordinaria celebrada'l 19 de setiembre de 2020.

EL PRESIDENTE

Enrique Delgado Gutiérrez

EL SECRETARIU

Daniel García Rodríguez